

THYROID HORMONE
PROTEIN

Xanthine oxidase
catalyzes the oxidation
of purines and pyrimidines.

ЕГЕМЕН ЕЛДІҢ «ЕРКІН» ДІНІ

Қазақстанда протестанттар 1189 үйім құрған

Адамзат санасының ерекше бір түрі ретінде дін қоғамның саяси жүйесінің сипатына байланысты бірде күшейіп, бірде әлсіреп, кейде кемерінен шығып, кейде жуасып талай ғасырды артқа тастады. Жер бетінде пенденің барында әлі талай асуладардан өтер. Өйткені адам дінсіз өмір сүре алмаса, дінге де адамсыз өмір жок. Мемлекетке қатысты да осыны айтуға болады.

Кешегі Кеңестік кезенде дін кудалауға түсіп, атеистік (құдайға сенбеушілік) идеология, "дін – апиын" деген тұжырым үстемдік етті. Жаңа кеңестік заманды қолдаушылар "құдайсыздар қоғамын" (общество безбожников) құрып, өздері соның белсенді мүшесі болуға тырысты. Бұл кейін белсенді атеистік үйімдарға айналып, жер-жерлерде дінге қарсы үгіт-насихат майданы ашылып, мындаған дәрістер оқылып, кинофильмдер көрсетілді. Талай дін иелері кудалауға түсіп, айдалып, атылды. Тіпті бір заманда ата-бабасы дін ұстагандар жаппай кудаланды. Талай мешіттер құлатылып, кейбірі мәдени ескерткіштің озық үлгісі болғанына қарамай басқа мақсаттарға пайдаланылып, тіпті мал қора етілді. Мұның барлығы адамның өзіне сенімін жоғалтты. Оның орнына кеңес көсемдерін соншалықты асқақтатып, оған теңеу таба алмай, соған мәнгіліктей сендеруге, ақырында жеке басқа табындыруға алып келдік. "Сталин қайда болса, женіс сонда" деген өлең жаттадық. Құн көсем о дүниелік болғаннан кейін "Партия қайда болса, женіс сонда" деп өзгеріп әндettік. Алайда мұның барлығы бекершілік болып шықты. Ар-ождан бостандығын елемеу, адамның өзіне өзінің сенімін жоғалту – 70 жыл өмір сүрген Кеңес Одағының ыдырауына алып келген әлеуметтік факторлардың бірі болғанына бүгін көзіміз жетіп отыр.

Фасырлар күткен Тәуелсіздік қоғамымызда діннің қайта жаңаруы мен жаңғыруына жол ашты. Еліміздің ең алғашқы құжаты – "Қазақ ССР Мемлекеттік егемендігі туралы"

Декларацияда республика территориясында тұратын азаматтардың діни нанымына, Қазақ ССР Конституциясы шенберінде жұмыс істейтін діни үйімдардың мемлекет және қоғам өміріне қатысуы үшін тен құқыққа ие болуға кепілдік берілді. Ал 1992 жылдың 15 қантарында қабылданған "Діни сенім бостандығы және діни бірлестіктер туралы" Зан Қазақстан Республикасының әрбір адамның наным бостандығы құқығын құрметтейтін демократиялық, зайырлы мемлекет болып табылатынын таныды. Діни бірлестіктер қызметі құқықтық жағынан реттелді. Азаматтардың дінге көзқарасына қарай олардың құқықтарын тікелей немесе жанамалап шектеу немесе қандай да бір артықшылықтар белгілеу немесе соған байланысты өшпенділік пен жеккөрушілік туғызу, не азаматтардың сезімдерін жәбірлеу, сондай-ақ қайсы бір дінді ұстанушылар қадір тұтатын заттарды, құрылыштар мен орындарды қорлау Қазақстан Республикасының зандарында белгіленген жауапкершілікке әкеліп соғады деп атап көрсетілді.

1995 жылы қабылданған Қазақстан Республикасы Конституциясының 22-бабының бірінші тармағында "Әркімнің ар-ождан бостандығына құқығы бар" деп тайға таңба басқандай айқын жазылды. Сондай-ақ ғұл құқықтық норманы жүзеге асыру жалпы адамдық және азаматтық құқықтар мен мемлекет алдындағы міндеттерге байланысты болмауға немесе оларды шектемеуге тиіс екендігі айтылды.

Мұның барлығы тәуелсіз мемлекетіміздің дін саласындағы бетбұрысын айқындаған, еліміздегі діни кеңістіктің оңалуына игі әсер еткен алғашқы құқықтық қағидалар еді. Бұл әркімнің өзінің дінге көзқарасын дербес айқындауға, ұстануға немесе ұстанбауға еркіндік берді. Дінге деген көзқарас түбегейлі өзгеріп, халқымыз адамзат өркенінің, рухани байлығының бір көзі – дәстүрлі дінімен қайта қауышты. Дінге сенушілер көбейіп, діни бірлестіктердің саны артты. Мешіттер көбейіп, ол имандылық пен ізгіліктің орнына айналды. 1990 жылы Қазақстанда 671 қана діни бірлестіктер болса, қазір ол 6 есеге көбейіп, 4000-нан асты. Соғы 200 жылдай патшалық Ресейдің отарында, кеңестік қыспакта болып, теперіш көрген осы аймақтың ежелден жалғыз иесі – қазақтың дәстүрлі

исламдық діни бірлестіктері 46-дан 2337-ге өсті. Көптеген діни мектептер ашылды.

Бірқатар жастар шетел діни оку орындарында білім алуда. Қажылықка барушылық дәстүрге айналды.

Жинақтай айтқанда, қазіргі қолданыстағы заңдық қағидалар егемен елдің, қоғамымыздың өтпелі кезеңіндегі дініне қатысты бірсызыра принципті мәселелерді шешті. Бұған дау жоқ. Бірақ қоғамның дамуы бұл мәселелердің жетімсіз екенін де көрсетіп отыр.

Тәуелсіздіктің елең-алаңында қабылданған Заңның осал тұстарын, жана заманда жан-жағымызға қарамай, ашық қоғам құрамыз деген әлі пісіп жетілмеген ізгі ниетімізді жаһандану кеселдері тиімді пайдаланып, елімізге сырттан түрлі ағымдарды қаптатып жіберді. Тіпті дәстүрлі ислам дінінің өзі түрлі ағымдарға бөлініп, оларды қалталы кіслер монополиялауға ұмтылуда. Көкейлерінде билік мансабы жоқ емес.

Ежелден дәстүрлі екі дінмен келе жатқан Қазақстанның тәуелсіздік жылдары көп конфесиялар, көпдінділікке бой ұру бүгінгі зиялды қауымды ойландырмайды емес, ойландырады. 200 жылдай патшалық Ресейдің отарында, кейін тоталитарлық кеңестік қыспақта болудың нәтижесінде қоғамымызда орын алған ұлтсыздық сананың көріністерінен толық арыла алмай, тіпті рухани діңгегіміз – тіл кеңістігінде тұтастыққа жетпей, сонаң соң өзіміз дәстүрлі дінімізді әлі толыққанды танып-білмей отырғанда, тәуелсіз ел ретінде әлі қабырғамыз қатая қоймаған кезде 70-тен астам әртүрлі ағым-секталарды біріктіріп отырған 10-ға тарта діни үйымдардың еліміздің бірлігіне, мемлекетіміздің ұлттық қауіпсіздігіне нұқсан келтіруі мүмкін деп толғану негізсіз емес. Біз қай мәселеде болса да халықаралық стандарт деп жабыса кетеміз. Әсіреле АҚШ тәжірибесіне үйірміз. Дін саласында да осылай болып тұр. Әйтпесе протестантизмге есікті ашып қоюды қалай түсінуге болады. Халықаралық құбылыстарды сыйлау керек. Бірақ аса сақтықпен, сын көзімен қарап, еліміздің тарихи, ұлттық ерекшелігін, халқымыздың сан ғасырлық қалыптасқан болмысын заман талабына сәйкес жанғырта отырып, қабылдау дұрыс болар еді. Өйткені біз қанша АҚШ-қа ұмтылсақ та американдық бола алмаспыш, бәлкім оның қажеті де бола қоймас.

Казір республикадағы 70 пайыздай (оның ішінде 63 пайыз қазақ) мұсылмандардың 2337 діни бірлестіктері болса, ал адамдар саны белгісіз протестантизм бағытын ұстанатындардың 40-тан астам әртүрлі ағымдарының 1189 үйимы бар. Бұл бүкіл республикадағы діни бірлестіктердің 30 пайыздайын құрап отыр. Сонаң соң республикада тіркеліп, заңды түрде қызметіне рұқсат етілген барлық 357 миссионерлердің 307-сі – католиктер мен протестанттардың өкілдері. Олар қазақ елінің шектен тыс "демократияшылдығын" ұттымды игеріп, басқа елдерге қарағанда біздегі діни бірлестіктерді тіркеу рәсімдерінің жеңілдігін пайдаланып, миссионерлік іс-қимылдарды кең көлемде әрі белсенді жүзеге асырып келеді. Әртүрлі ағым-секталардың миссионерлік әрекеттері, олардың уағызына елтіп жүрген үлкен-кішілеріміз туралы бұқаралық аппарат құралдары, оның ішінде "Жас Алаш", "Түркістан" газеттерінде, жергілікті және діни басылымдарда нақты мысалдармен барынша ащы жазып келеді, бірақ бұған құлақ асатын өзір ешкім болмай отыр. Қоғамдық пікірмен санасу – халықтың пікірімен санасу, ал халық – мемлекеттік биліктің бірден-бір бастауы. Біздің Ата заңымызда да осылай жазылған. Атап айтқанда, әнгіме 1992 жылы қабылданған "Діни сенім бостандығы және діни бірлестіктер туралы" Заңға осы кезге дейін бірнеше өзгерістер енгізілгенімен, негізгі принципті мәселелер шешілмей келе жатқанында болып отыр. Сөзіміз дәлелді болу үшін бірер мысал келтіре кетейік. Алдымен миссионерлік қызмет туралы. Заңның "Миссионерлік қызмет" деген 4-1-бабында былай делінген: "Қазақстан Республикасының азаматтары, шетелдіктер мен азаматтығы жоқ адамдар (бұдан әрі – миссионер) Қазақстан Республикасының аумағында миссионерлік қызметті уәкілдеп органды есептік тіркеуден өткеннен кейін жүзеге асырады". Ал "миссионер" деген сөзге шетел сөздігінде (Словарь иностранных слов) мынандай түсініктеме берілген: "Миссионер – лицо, занимающееся распространением религии среди населения с иным вероисповедением; как правило миссионер выполняет функции идеологической экспанции". Қолданыстағы Заңның негізгі

ұғымдарға арналған 1-1-бабының екінші тармақшасында "миссионерлік қызмет – өз қызметін Қазақстан Республикасының аумағында жүзеге асыратын діни бірлестіктердің жарғылық ережелерінде жоқ діни сенімді діни агартушылық қызмет арқылы уағыздау және тарату" деп жазылған. Өздерініз көріп отырғандай, бұл жерде екі мәселе бар. Бірінші – біздің елімізде дәстүрлі емес діндерді насхаттауға кең жол ашу. Бұл қандай қажеттіліктен туды? Екіншіден, мұндай жұмысты Қазақстан Республикасының азаматы болмағандар да атқара береді. Сонда Қазақстан кім болса соның, қандай дін болса соны уағыздай беретін, сөйтіп халқымыздың ежелгі дініне іріткі салуға еркіндік беріп қоятын елге айналғаны ма? Әлде бұл Конституцияда көрсетілген идеологиялық әралуандылыққа жата ма? Қалай ойласақ та, бұл біздің ұлттық мұддемізге әсте сай келмейді. Газет беттеріндегі материалдарға қарағанда, миссионерлік қызметті жергілікті халықтың бір де бірі қолдамайды. Олай болатын болса, соны тықпалаудың билікке қаншалықты керегі бар?! Діни алауыздықтың талай елдің күлін көкке ұшырганын көріп-біліп отырып, әсіресе сырттан келген діндердің соншалық ағым-секталарға бөлінуіне зандық түрғыда жол бергенімізді ұрпақ кешіре алмауы мүмкін.

Украина, Ресей және Белоруссия елдерінің зандарында миссионерлік қызмет жоқ. Бұл қызмет Қазақстан мен Қыргызстанға ғана аса қажет көрінеді. Сонда соңғы екі ел ТМД кеңістігіндегі ең "демократияшыл" ел болғандары ғой? Ал көрші елдегі оқиғаларға бұл миссионерлік қызметтің де әсері болмай отыр деп айта алмаймын. Менің білетінім, бәлкім қателесермін, лайым солай болсын, мұның түбі бізде де еш жақсылыққа апармайды. Кәрі тарих дінге бөліну нәтижесінде болған әртүрлі қақтығыстарды жақсы біледі. Ондай келенсіз көріністерді мерзімді баспасөздерден де оқып отырмыз.

Біздің Заңымыздың тағы бір осалдығына екінші мысалды Заңының "Діни бірлестіктерді тіркеу" атты 9-баптан табуға болады. Онда республикада діни бірлестіктер кеміндегі кәмелетке толған 10 азаматтың (белгілеген – Ә.Б.) бастамашылығымен құрыла береді. Қай елдің азаматы екені, оның республикада қанша жыл тұруы керектігі айтылмаған. Заңда мұндай екі ұшты мәселелер болмауға тиісті. Ал Ресей Федерациясының "Діни сенім бостандығы және діни бірлестіктер туралы" Заңының 9-бабында Ресейде ең кемі 15 жыл түрған азаматтар ғана діни бірлестіктердің құрылтайшысы бола алады. Ал Беларусь Республикасының "Ар-оқдан бостандығы және діни ұйымдар туралы" Заңында діни қауымдастықты құру туралы ұсынысты жиырмадан кем емес республиканың тұрақты азаматтары жасайды.

Мұндай кемшіліктер біздің қоғамда неге орын алып отыр дегенде бір мәселені айта кеткен артық болмас. Ол қазіргі демократиялық, зайырлы, құқықтық және әлеуметтік мемлекет орнатуды мақсат етіп отырған тәуелсіз еліміздің дінге қатысты ұстанымдарының толық және айқын еместігінен туындал отыр. Сондай-ақ, бұқаралық ақпарат құралдарындағы саясаткерлер мен дінтанушылардың көзқарастарындағы кейбір қайшылықтар, жақында шыққан "Дінтану" пәні туралы оку құралына айтылып жатқан сындардың негізі біздің мемлекетіміздің дінге, оның ішінде өзін құраушы болып отырған қазақ ұлтының ежелгі діні – исламға қатысты да принципті тұжырымдарының жоқтығы. Осы бағыттарда іргелі енбектерге де зәруміз. Жоғарыда айтылған Ресей Федерациясының дін туралы Заңы "Ресей тарихындағы, оның қалыптасуы мен дамуындағы православиенің ерекше рөлін мойындаіт отырып" деген сөздерден басталса, біздің занымызда ислам жөнінде бір ауыз сөз жоқ. Бұл да сөзімізге дәлел бола алады.

Діннің мемлекеттен, мемлекеттің діннен бөлек болуы керектігін кезінде Алаш көсемі Әлихан Бекейхан де көтерген болатын. Ол 1917 жылғы 23 желтоқсанда жарияланған "Мен кадет партиясынан неге шықтым?" деген мақаласында бұл партиядан шығуының себебін діннің мемлекеттен бөлек болуына қатысты кадеттіктермен тіл табыса алмағанын айтқан еді. Алайда ұлы ұстаз дінді мемлекеттен бөлу керек дегенде, біздің қоғамда да мемлекет діннен бөлінген дегенімізде де екеуінің арасына қытай қорғаны салынсын деген ойда ешкім болмаған шығар. Осы тұжырымдардың мағынасын толығырақ аша түскен жөн сияқты. Ислам дінінің еркін дами алмай жатқанының бір себебі де – біздің

мемлекетіміздің халқымыздың ежелден дініне деген ұстанымын айқындаі алмай отырғандығында.

Тағы бір мәселе туралы айта кетсек. ТМД елдерінің конституцияларын салыстыра отырып, мынандай жайды аңғардық. Православие дініндегі Ресей, Украина, Беларусь елдерінің Негізгі заңдарында "зайырлы мемлекет" деген ұғымдар атап көрсетілмеген. Ал Қазақстан, Қыргызстан, Түркіменстан, Өзбекстан, Тәжікстан елдерінің осы сипаттағы құжаттарында міндетті түрде мемлекеттің зайырлы екендігі жазылған. Сонда мұсылман елдері басқаларға қарағанда "зайырлылау" болғаны ма? Мен осы сөздің төркініне де құдікпен қараймын.

Қалай ойласақ та, дінсіз мемлекет те, мемлекетсіз дін де жоқ. Шынайы дін мен мемлекеттің түйісер жері – елдің тұтастығы, тәуелсіздігіміздің тұғырлы бола түсүі, ұлттымыздың бірлігі, бүкіл қазакстандықтардың түсіністігі мен келісімді тірлігі. Сол себепті екі тараптың бірігін әрекет етер кеңістігін, оның құқықтық механизмдерін айқындаі түскен жөн. Бұл бағытта ізгілік пен имандылықтың, ұлттық иммунитетті құшайтудің рухани арқауы болып келе жатқан халқымыздың дәстүрлі діні исламға лайықты орын берілуі қажет. Әлемдік тәжірибеде мемлекет ең бірінші езін құраушы ұлттың тұтаса түсүіне, оның тарихи санасын, дәстүрлері мен мәдениетін дамытуға көмектеспей отыра алмайды. Бұл – ең бірінші еліміздегі халықтың негізін құрап отырған қазақтың тағдыры.

Сонан соң діннің ешбіріне басымдық бермейміз деген жалан құқықтық қағиданы мен дұрыс дей алмаймын. Бәлкім мен қателесермін. Еліміздегі мемлекет құраушы ұлттың дініне басымдық беруде біздің қолымызды кім қағады. Әншейінде барлығымыз ислам дінін "Ол біздің мәдениетіміз, рухани өзегіміз т.т." деп жаппай мақтаймыз. Ал занға келгенде біз ислам дініне басымдық бере алмаймыз деп шалқаямыз. Осы дұрыс бола қояр ма екен. Теренірек ойлану қажет сияқты.

Бұғінгі күні дін жөнінде жаңа зан керек деген уәж көп айтыла бастады. Шынын айтсақ, кештеу қозғалып жатырмыз. Бұғінгі қалыптасқан діндік қатынастарды заңдық жағынан жетілдіре түсу, елімізді мекен еткен этностардың ұлтаралық келісіміне нұксан келтіретін ағым-секталар мен миссионерлер қызметіне тыйым салу, дәстүрлі діндерге көзқарасты заман талабына сай кеңейте түсу керек-ақ болып түр. Әсіресе мемлекет пен діни мекемелердің арасындағы қарым-қатынасты құқықтық реттеуді жолға қою қажет. Жаңа зан еліміздегі діннің халықтың рухани, мәдени және мемлекеттік дәстүрлерді қалыптастырудың ықпалын құшайтуге бағытталып, әсіресе дәстүрлі діндердегі халықтардың тату-тәтті өмір сүруге ықпалын арттыра түсетіндей болуы керек. Әсілі зан әділеттілігімен, бұқара халықтың мұддесін көздеуімен құнды болмақ. Сонда ғана иесімен қайта қауышқан еркін діннің рухани күші, халыққа да, мемлекетке де берері арта түспек. Зан кеңістігіндегі демократия деген осы.